

孫氏書畫鈔

孫氏書畫鈔

名畫

閻立本畫洪崖圖

洪崖先生不知何許人也姓張名蘊字箴真風神秀逸志趣閒雅仙書秘典九經諸史無所不通開元中已千歲矣蓋古之高仙明皇仰其神異累詔不赴多遊終南秦華或往青城王屋與東羅二大師為侶每述金丹華池之事易形鍊丹之術莫究其微妙焉先生戴烏帽衣紅蕉葛衫烏屨帶短鞞靴僕五人名狀各恆曰描木栗葛拙有白驢曰雪精日行千里復有

隨身之用白藤笠六角扇木如意筇竹杖長盈臺常
蒲杯自然流酌每跨驢領僕游於市廛酒酣笑傲自
若明皇詔圖其像庶朝夕得瞻觀之元祐四年東坡
蘇軾書

余往年每見錢舜舉龔翠岩畫洪崖圖其人物
與此卷畧相似而筆路染色各自不同今觀此
圖製作皆有唐人法度非錢龔二老可及誠舊
物也其出處已詳於坡仙之跋茲不復贅至正
甲申十月廿八日大痴道人顓時年七十有六

錢舜舉畫洪崖像

將以善夫濟世之極樂至理以自新維茲水之無倪
非智者莫能以鑒彼河伯之好夸終望洋而浩嘆翳
西海之沉羽竟其說以恠誕小大不同其病則通駭
於所聞者忽於所見誠采乎舉世之盲聵余嘗披神禹
之地圖考先生之轍迹而誦之方其發軔于瞿塘千
里一瀉省宴安之耽媒悟孤孽之非裊雖盛氣之飄
忽已足窮物理之化迨其中年倦趨分符東上慨河
流之奔駛城不沒者三板

先生胼胝以先激而返之有以遏其性之狂悍伊文登
之貝宮空百幻以自獻實精誠之冥通異燃犀之獲

謹至於群妖肆憎百懾相乘 先生怡然而行試正
命於巨浸儼波濤之不驚耿々明夜乘桴南歸海若
息波憑夷效竒混六鑿於一噫信天地之不公匪深
於水者其能若斯耶玩王孫之好脩弄五采於素絲
聽之而無聲即之而若遺欲以求 先生之樂無異
畫餅之充飢

右手按膝左手執長帽不著豪氣溢此公豈是
尋常人眉山秀出文章伯擘開青峽噴玉泉石
罅百折猶轟然山中自當一部樂何用嘈々鳴
管絃惠州飯飽渾無事羅浮之西山崛起白水

神駕馭景馳太虛時總轡玄道不可分直悟天人際
群從皆成仙玩世不記年何當事神游許我笑拍肩

錢舜舉畫并題

洪崖先生住西山移宅深密逃人寰幅巾烏鞞腰角
帶潤袖袍色濃嵐班一節九節相携慣矮幹家僮蕉
扇襟崎嶇步武轉蹒跚皂服輕袪行計辦一僮肩輿
鞵白騾俊駛難馳坡陀後鞦側畔蹠足勢奈爾決
驟奮傾何藍衫隻手操鞭逐席帽背擎無世俗一僮
耒了一僮催高束文書亦雙足一僮絳袂麻屨擁臂
挑莊叟大瓢壺先生家具即此是焉用檢校隨身符

豫章穹岩鑰幽谷雨捲雲飛霧如沐神仙狡獪踪跡
奇寓到吳興錢氏屋誰傳畫卷秦淮邊妙意拾得希
微麟海翁一見心縫綫贈以菊綬歸田篇玉禾自熟
犁鋤靡黃犢烏犍有餘地雪騾水草久馴良却羨千
年丹發壘

洪都西山有洪崖移居古剎此吳興錢舜舉作
意臨摹又別是一格非學神仙者流如恒麓李
子希微誰當識之海粟書于李氏恒麓山房

印曰子振

海粟

恒道人

○王晉卿夢游瀛山圖

元祐甲辰春正月夢游瀛山既覺因圖夢中所見保寧賜第晉卿題

他日絨膝屬貴游詎知遷徙過南州天涯與汝共淪落淚濕海江煙雨秋

王晉卿圖瀛山筆畫精緻京師貴游蓄之為各代之寶自圖書弃擲于路陽翟張飛卿見而得之過九江以遺友人傳延之、出以示余、悲而賦詩建炎初元九月廿八日陽翟田亘元邀

蓬島圖本張飛卿所寶後以遺傳延之紹興七年飛

卿之弟共甫與延之及章皆會集於南昌游從之樂
殆無虛日是歲中秋同賞月共甫之舍章亦與焉延
之出此以示衆客既而謂共甫曰此公家舊物也遂
歸共甫願寶惜之次年冬至後二日共甫持節湖湘
道由清江章適寓是郡因得再觀痛延之下世已一
年矣相與慨嘆云嵩山陳章漢卿書

珍木文禽玉珮環清都絳闕色闌玕香山居士遂美
院借與王郎夢裏看

建人素立儒顯駙馬都尉所作夢游瀛

山圖

○龍眠為東坡作神駿圖

宋元祐初西域貢馬首高八尺龍顧而鳳膺虎脊而豹章出東華門入天駟監振鬣長鳴萬馬皆瘖父老
維觀以為未始見也東坡先生端居惠州私請李公
麟畫當時三馬之神駿此圖神物呵護閱歲已久顏
色鮮潤可為希世之寶矣子昂題

王良伯樂久成空掣電追風氣轉雄相逐圉人爭車
水也曾神想渥洼中

吳興錢選齊舉題于太湖之濱

○五代東丹王人犬圖

畫人物以得其情性為妙東丹此圖不惟盡其形態而人犬相習又得於筆墨丹青之外為可珍也

子昂題

唐胡瓌用筆清而圓處得筆於父熟而勁但清圓微劣於父尔五代之贊華深于形似蓋自土風之習前輩論筆乏壯氣信然今諸賞鑒多以東丹會處大興譜叙不相表裏吾故表而出之大德九年九月二十日無閑民云

徽廟御筆杏花鸚歌圖

並亞隴西目穩巢文杏枝高棲良自得蜂蝶莫相疑

宣和殿御製并書

高宗御題樓觀松竹梅圖

十分酌酒對春寒、
梅花滿地殘。
我有故園松竹
在結為三友冷相看

聖旨 御書之寶 乙酉

御題馬遠瑞香花

奇葩天與好精神
紫帔飄風侍玉真
應歎錦籠詩句
俗分枝如占四時春

墨曰乾卦

御題馬遠折枝橘子

色深林表風霜下
香著尊前指爪間
書後欲題三百
顆頻隨驛使來應慳

徽廟御筆梨花

樓臺影裏和風煖
絃管聲中瑞日長
從聽嬌鶯說來
路莫教蜂蝶損濃芳

崇寧癸未歲宣和殿書

○馬遠桂花扇 楊妹子題

雨過西風作晚涼
連雲老翠出新黃
清芬一派來天
闕世上龍涎不敢香
賜宋直殿

印曰壬申坤寧翰墨

右荷鷺鷥魚圖

徽宗皇帝御筆向大父樞密位政府日侍宴

紫宸酒酣樂作
上乃聲其慶會之意發為樂章曰

賜臣下卽席親洒此圖專以寵錫自大父樞密
暨先考侍郎傳祀三世一百禩矣鷺魚蓮墨渾然天
成脫去凡格濃淡約畧如生精神溢紙若傳丹青曲
盡其妙得江南落墨寫生之真韵祀謹當珍藏寶
墨堅忠孝名節仰荅聖恩待遇先世隆渥也
四年九月廿八日南陽鄧祀拜手謹跋

○龍眠理帛圖

轆轤銀瓶汲脩綆美人理帛深院冷試拈刀尺稱意
裁生怕郎嗔心未肯銀絲蘸色信手搓夜長天寒還
許呵一聲白鴈枕前喚明日妃无霜花多唐宮楊綵

簾瘦月風緊入絃墮瑶瑟誰將此幅寫倩情寄與車
衣久綿客

理帛圖李龍眠極細膩者并州金剪刀纖手提
換之海棠

佳人深院不傳機製就裳衣熨貼時說與朱門執袴
者田家二月賣新絲 鄧文原

往年嘗見龍眠搗練圖豈又有紉針圖與對手世當
有知之者因讀善之詩為題其後湘中劉致

印田劉氏時中

深院佳人不耐寒紵紵刀尺綺羅寬縫成便欲酣歌
舞邊塞霜濃衣正單謹齋老叟夏若水題時年八十

有二

○跋清明上河圖

翰林張擇端字正道東武人也幼讀書遊學於京師
後習繪事本工其界畫尤嗜於舟車市橋郭徑別成
家數也按向氏評論圖畫記云西湖爭標圖清明上
河圖選入神品藏者宜寶之大定丙午清明后一日

燕山張著跋

予藏南唐御府書評有北燕張氏印章觀此跋語
始知著乃金人也

右故宋翰林張擇端所畫清明上河圖金大定間燕
山張著跋云向氏圖畫記所謂選入神品者是也我
元至正之辛卯準寓薊日久稍訪求古今名筆以新

耳目會有以茲圖見喻者且云圖初留秘府後為官
匠裝池者以似本易去而售於貴官某氏某後守真
定主藏者復私之以鬻于武林陳某陳得之且數年
坐他事稍窘急又聞守且歸恐遂速禍怨思欲密付
諸賢士君子準聞語即傾橐購之蓋平生癖好在此
也卷前有徽廟標題後有亡金諸老詩若干首私印
之雜識于詩後者若干枚其位置若城郭橋市屋廬
之遠近高下草樹馬牛驢駝之小大出沒以及居者
行者舟車之往還先後皆曲盡其意態而莫可數計
蓋汴京盛時偉觀也汴自朱梁來耗消極矣至宋列

聖休養百年始獲臻此甚盛其君相之勤勞廬井之
豐庶俗尚之茂美皆可按圖想其万一吾知畫者之意
蓋將以觀當時而夸後代也不然則厄于時而思殫
其技以傑然自異於衆史也何其精能之至而毫髮
無遺恨歟此豈一朝一夕所能就者其用心亦良苦
矣夫何京侯父子以權奸柄國使百姓愁痛強虜桀
驚而汴之受禍有不忍言者意是圖脫稿曾幾何時
而向之承平故態已索然荒煙野草之間不勝其感矣
當是時城外內之金帛珍玩狼籍殆盡而是圖獨淪
落經今踰二百年而未甚弊壞豈有數耶自時厥後其

地遂終不覩漢官而困於戰爭且日甚雖欲求券中所圖彷彿又安可得矣嗚呼都邑廢興雖係運數而人謀弗威蓋各有自天津聞鵠之嘆崇宣棄政之虐謂非基於熙豐大臣之譟誤可乎其所以致汴之陸沉而不可復振者亦必有任其責者矣今天下一家前代故都咸沐聖化其生聚浩穰宜不減昔惜吾未得一、躬造其地以覽觀其盛故於是卷既嘉其筆墨之工而又因以識予之感慨云至正壬辰九月望日西昌王華素士楊準跋

字公平

○東坡古木疎竹圖

此圖王眉叟真人所藏也東坡先生用松煤作古木
拙而勁疎竹老而活政所謂美人為破顏恰似腰肢
曼此圖亦同此意真佳作也高昌正臣舊有東坡墨
竹圖一軸與此豈同時作者其向背位置若合璧然
真人因輟此以贈止臣神物會合各自有時其是之
謂乎奎章閣學士院鑒書博士柯九思書于錫訓堂

○東坡墨竹圖

右東坡先生蘇文忠公墨竹圖墨竹聖于文湖州文
忠親得其傳故湖州嘗云吾墨竹一派近在彭城然
文忠亦少變其法文忠云竹何嘗節而生故其墨

竹自下一筆而上然後點綴而成節自為得造物生意今此圖政各此論余家亦藏蘇竹一幅余臨數百過雖得其彷彿終莫能及也觀此圖令人起敬

奎章閣學士院鑒書博士柯九思識于高昌正臣之芳雲軒

○米元章湖山煙雨圖

先子只一同胞姊適大丞相文正李公曾孫黎州使君吾第九女弟復以嫁姑之夫前室子李坦何處得此澄心半足古紙與女弟因觀余與人作字管城氏在手請作戲墨愛此紙今未易得乃乘興為一揮湖

山煙雨嘗自祕之勿使他人豪奪老懶日趨於無思
無為清淨寂寞之域是為冲適妙存自得可樂處豈
更復有童心也哉紹興改元十一月九日流寓建康府
溧陽縣新昌村書海岳後人時予除守莆陽言者輟
以資淺為說罷自改官後已六經堂除矣其資尚淺
乎兩厯貳車與大名少尹又書學書局也

江南舊物澄心紙百數十年誰得此揮毫無復
老元章付與承家大兒子展開素軸作湖山點
染興入滄煙間偶然墨雲起霍霍風雨偃林生
暮寒筆端奮迅有疾急雨氣淋漓紙猶濕世人

藏畫尚精微到此精微下風立流寓東南誰與
鄰傾懷付與李家親忽因繳駁論資格紙上數
峯微笑人

湖山煙雨圖初裝即作此詩久而未寫病後時
聊試目力歲攝提格秋暮廬山黃石翁

米元暉眼中閣煙雨曾次有丘壑故舍毫和墨
即澄心堂紙為此圖四明袁文清公居館閣時
所嘗收蓄者也後為郡人夏叔宜家所得叔宜
兄弟爭相寶秘每袖以相誇秦割十五城以求
璧而荆山之人則用之而抵鵲豈非物以罕見

為貴世固無定情耶父清久游京國歆歆富貴
之餘思欲一觀家山而不可得見夫畫笥所有而
收蓄之宜矣叔宜兄弟居江山勝處一開戶牖
則千屋萬壑不呼而登几格其於是圖亦收蓄
而寶秘之如此何乃兼人之所好哉九靈山人題
廣文當日官雖冷可柰才名振世何他日君家須炙
手而今聊復雀堪羅 老年尚喜管城子更愛好山江
上青武林秋高晚欲雨正若此畫雲冥冥三茅別有
洞中天我欲山居屏世緣累行積功多蛻舉玉晨欣
有地行仙

紹興戊午季春十一月書于大姚五

湖田舍

元暉

大姚去姑蘇城東南三十里臨諸江湖江則回
吳淞江姚城江白蜆江小龍江湖則有陳湖業
宅湖車坊漾獨墅淹是也大姚地可百畝浮諸
水之間有小山高不滿數丈上有古刹依山之
巔曰文殊院正殿有文殊坐獅子像甚奇古周
圍有深渠數匝乃誦經行道之跡也唐宋名公
留題甚多皆刻諸石以寘於壁間米南宮弟兄
嘗居於其地舊址猶可攷余別業數椽在竺澤
姚城江之北與大姚隔小龍江相望只尺時渡

往來焉至正甲辰余在燕京忽得此券因拾以
歸吳丙申之變余避地入閩丁酉歸家業一空
而此券僅存戊申中吳復兵燹余亦流離淩梁
已酉復歸田里故居焚蕩荒榛瓦礫不堪舉目
又復得此券於野人家事物之遇豈偶然哉辛
亥秋七月暇日展卷太息因識於後以記歲月
云耳雲浦道人

喟然點也宜吾與不利虞子柰若何鴻雁欲來風嫋
嫋庭前樹子落杪羅

吳松江只蒲萄綠金井峯仍縹緲青說與弋人何慕

我高飛鴻雁杳冥々

大姚湖水白生煙長物都除絕世緣
笙鶴不為歸鶴怨王仙真是滕丁仙

雲浦老人亂後復得此卷感慨今昔觀其題字
可見辛亥八月十五日来謁雲浦出以見示戲
筆追和米公三詩以寫懷云倪瓚

米數文既遊清都遺跡之在人間者日少至若
貌江山之勝槩發詞藻之精英翰墨淋漓同為
卷軸者則又加少矣此卷其易得耶王雲浦再
失而再獲之所以為至喜耳然萬物有無常竟

又歸諸沈氏：代為良醫而日章尤知玩古書
締余交今亡矣子玄出以微題見之令人悽斷
洪武庚午二月澹如王行

○米元暉雲山圖

絹幀

霄壤千、萬、山東南勝地
熟躋攀古來作語詠不
得我寓無聲
縑楮間
紹興己未除守瑯琊待

次平江寓居大姚村妹家戲作
懶拙翁元暉

玉汝既得元暉三詩他日過趙給事良度
屏間有雲山圖題曰作於大姚村妹家
顧而嘆曰此又吾里中故物也
良度乃亦歸之玉汝因令其

子鏐與詩述並歲仍乞子題其後此圖自吳中
轉徙京師今復歸其里人其事又益奇也吳寬
高宗御題劉松年畫扇二

荷葉如錢三月時幅巾藜杖一追隨尔來勝事知多
少惟有風標公子知

南山晴翠入波光一派溪聲繞路長
最愛早春沙岸暖
風輕浪拍鴛鴦
璽曰 御書之寶

○元暉戲作

米家父子畫山水自出新意超出筆墨蹊徑之外杜
子美所謂一洗萬古凡馬空也是此卷與吾家所藏

江山脉脉同出一手無毫髮不類是元暉真跡無疑
但紙色微慘淡耳東洲上人其珍藏之至止辛丑九
月朔日西澗老人趙郡蘇大年審定預于月浦淨信
水北草堂

海岳老仙非畫工自有丘壑藏胸中大兒揮洒亦莫比
妙趣正足傳家風數文閣下圖書靜夢入空山覺衣
冷起拈彩筆寫幽蹤一片飛來楚雲影彷彿三湘與
九疑翠峰猶抹二娥眉水生江上鴻歸溪樹暗沙頭
春去時蒼、遠渡連平麓煙火參差幾家屋林深谷
靜斷人行唯有禽聲啄古木偶向南齋見此圖素牋

猶費百金沽自緣絕筆人間少如此雲山何處無

高啓

○鄆王顥三高圖

范蠡

已將勲業等浮鷗鳥盡方藏見遠謀越國江山留不
住五湖風月一扁舟

張翰

西風漸動高梧目送浮雲悟卷舒自是歸心感秋
色不應高興為鱸魚

陸龜蒙

杞菊蕭條遶屋春不教鶯鴨惱比鄰滿身花影猶沈
醉真是江湖一散人

覽夢得所藏吳中三賢因各書絕句

郭王

郭王
之色

錢舜舉年少時嗜酒好音聲善畫高者至與古人無
辨嘗借人白鴈圖夜臨摹裝池翼日以所臨本歸之
主人弗覺也今老矣其畫益不可得湖之人經舜舉所
指授類皆以能畫稱然而舜舉高矣此三圖舜舉所
臨誠古名本劉向書序記古之列女多矣古人因之
以為圖此獨取郭王許穆夫人括母豈非以其識

微知遠也邪婦人之於父母夫君子之間不失孝貞
亦已多矣今楚衛趙之事未見幾微三人者固已言
之其言之警無豪末差若符合谷應淵澄而日出凡
圓於形聲之內舉不能以自遁則三人者之明其於
婦人獨不甚賢也哉大德四年龍集庚子七月望金
華胡長孺書

○米元暉瀟湘圖

夜雨欲霽曉煙既泮則其狀類此余蓋戲為瀟湘寫
千變萬化不可名神奇之趣非古今畫家者流也
惟是京口翟伯壽余平生至交昨豪奪余自秘著色

袖卷盟於天而後不復力取歸往歲挂冠神武

門居京口舊廬以白雪詞寄之世所謂念奴嬌也

洞天晝永正中和時候涼颼初起羽扇綸巾笑詠霞
水遶山重雲委好雨新晴綺霞明麗全是丹青戲豪
揀橫卷攜天應解深祕留滯字學書林折腰緣為米
無機涉世投組歸來欣自肆目仰雲霄醒醉論少長
家聲接武月旦評吾子憑高臨望桂輪徒共千里
昨與吳傳朋蜀冷金箋上戲作一幅比與達叻相遇
知亦為此郎奪因追省此詞跋于小卷後舊曾寫寄
蔡天啓以白雪易其名舊名可為惡甚

懶拙道人元暉

印曰友仁

米元暉作遠山長雲出沒萬變古未有輩安得匹紙以盡其筆勢之妙乎至於林麓近而雄深固壘遠而挺拔水露幹而想萬茂水見涯而知渺瀰皆發於筆墨之外此常人之所難元暉之所易也達功它日以示之儻以為知言則當得山川之勝卧以游之紹興五年七月二十日會稽關注題

達功下第後便有放浪山水之意米元暉作招隱之圖儻以謂此君未宜置丘壑中也謝伋伯思父

頃在京師時方允迪嘗示儻以和人求米元暉畫楚

山清晚圖詩恨未見其畫也今觀元暉此紙自云夜雨初霽晚煙既泮其狀類此豈其所謂瀟湘千變萬化久落人間亦楚山圖中之一也

會稽韓滸懋遵書

畫手自高前輩雲山正屬吾曹若會瀟湘物色便令
醉讀離騷

錢後人端禮處和

丘壑之士久寂寞則起朝市之念朝市之士久喧囂
則懷丘壑之放古今之理一也予贊治丹丘雖環郭
皆山可以拄頰而霞城靈嶼亦得駕言窮覽然塵纓冗
牘之所羈束終不能瑩心而醒目米西清所作瀟湘

圖曲盡林阜煙波之勝遐想鷗鳥之樂良不可及
紹興十五年三月廿二日鄱陽洪适書

元暉戲作橫幅直造北苑巨然妙處開卷恍然如行
下蜀樓霞煙雨中益重土思之念紹興丁卯三月壬
午南豐曾惲題

僕十五年前見此畫把玩不能去手今復開卷恍如
夢寐不知老之將至云耳錢端禮書于東陽郡齋紹
興戊辰五月十有四日

紹興庚午十一月二十日姑溪曹筠觀于平江余
氏之西園

昔陶隱居詩云此中何所有嶺上多白雲但可自怡
悅不能持寄君余深愛此詩屢用其韻跋與人軸卷
漫書三于此其一山氣冱佳處卷舒晴晦雲心潛帝
鄉者願作乘彼君其一與翟伯壽橫披書其上云山中
宰相有仙骨獨愛嶺頭生白雲壁張此畫定驚倒先
請喚人扶著君紹興辛酉歲孟秋初八日過嘉禾獲
再觀懶拙老人朱元暉書

憶年十六時識達功於樞李後七年得詞場名第行
卷贅謝諸公未老為兵部侍郎謁之明日親袖啓
扣旅舍立須予出乃肯去轉眼三四十年二君久歸

山丘予亦老矣觀此使人太息淳熙乙亥夏四月七日鄱陽洪邁景廬

蔡天啓作米襄陽墓志言元符初進其子所畫萬里長江圖時元暉年尚少其小筆已知名當世矣方此老亡恙時諸公貴人求索者日填門不勝歡苦往多令門下士微作而親誌元暉二字于後嘗自言遇合作處渾然天成存為之不復相似此卷寂寥簡短不過數筆而淺深濃淡姿態橫生使人應接不暇蓋是其得意筆自公云亡其益難得矧題誌皆二時名勝之士終日把玩不能去手也淳熙辛丑二月中休梁

谿尤表題

水際天低岸遠山腰霧捲雲鋪擬喚松江小艇歸來
好趁尊鱸辛丑建素說友起巖書于池陽郡齋

太湖水入雪溪寒疊障連山幾萬般此景古今無盡
歲抵歸懶拙一毫端

錢後人閩詩書

僕昔荆南游繫舟黃陵廟下適江山風雨喋古今詩
人不能賦今觀米公山水覺瀟湘舊游隱然似夢紹
興乙丑清明後兩日洛陽朱敦儒題

淳熙己亥中夏廿八日新安朱熹觀于江東道院
元暉作字作畫深得南宮筆法非特能繼其家聲亦

不負山谷兩詩也紹興丁卯五月壬午南豐曾惺觀
于丹丘郡齋

予嘗客毘陵一葦太湖舊矣去之六年風朝月夕每
思怒濤裂山澄漪見雲夢寐間時一往焉觀此恍然所
謂逸空谷而喜聞足音者紹興十七年五月廿六日鄱
陽洪适書

此畫今為中朝第一誠可寶而愛也已巳中夏錢
端禮書

元暉寫山水真態出人意表觀之者如登高臨遠有
超出塵之外想紹興庚午十一月中澣日姑溪曹筠跋

朱元章品題諸家山水得其妙處意謂皆未離筆墨
畦迤晚乃出新意寫林壑間煙雲霧雨陰晴之變以
為橫披元暉蓋傳家法也 溫革未皮父

此軸紙墨俱不甚精而造微入妙乃余使得好墨佳
楮固當益奇善御者羊腸九折亦中和焉之音端非
虛語 紹興丙子春仲三山林仰書

東坡云論畫以形似見與兒童隣觀元暉此軸可以
衆公活句之妙 處和父

予理圖於鄞城之西所謂嶠州者江山橫前煙雲吐
吞晴陰朝暮千變萬態有口不能說也誰能起懶拙

老人於九原為我寫貌邪淳熙六年七月七日夜處
洪邁景廬書

建陽崇安之間有大山橫出峯巒特秀予嘗結茅其
巔小平處每當晴晝白雲空入牕牖間輒只尺不可
辨嘗題小詩云間雲無四時散漫此山谷幸之霖雨
姿何妨媚幽獨下山累月每竊諷此詩未嘗不悵然
自失今觀米公所為左侯戲作橫卷隱一舊題詩處
已似在第三四峯間也又得并覽諸名勝舊題想象
其人益深嘆息

淳熙己亥中夏廿九日新安朱熹仲晦父
書于江東道院

萬里江天杳霭一邨煙樹微茫只欠孤蓬聽雨恍如

身在瀟湘 淡、晚山橫霧茫、遠水平沙安得綠
蓑青笠往來泛宅浮家

淳熙辛丑中春十八日梁谿九表觀于秋浦

余讀賈誼度湘水賦其言造託湘流之意悲矣恨未
身到也今觀米公橫卷而吊屈原思賈使人興懷愧無
健筆以賦之 淳熙辛丑三月上巳建表說友起

巖甫書于池陽清靜寮

雨山晴山畫者易狀唯晴欲雨、欲霽宿霧曉煙已泮
渙合景物昧、時一出沒於有無間難狀也此非墨妙
天下意超物表者斷不能到故侍郎米公或得之必

寶玩珍愛靳不與人、而又戒其勿它也與淳熙辛丑秋八月吉錢後人間詩子言書

淳熙丁未夏天季月重陽前臺日洙泗時佐季雄獲觀于靳春郡齋

瀟湘圖跋考

故宋兵部侍郎襄陽米公友仁元暉所畫瀟湘圖一卷其自題識凡兩見南渡後諸名勝跋語凡若干人而文公朱夫子于澤又先後出也此圖之末自署云元暉戲作且有印文曰元暉其上一字與其父禮部公之字皆從此者蓋豫章黃太史嘗得此古玉印因

命為侍郎字而以授之且作二絕句贈禮部以述此
意今見山谷集中圖末有別紙侍郎前題自謂夜雨
初霽曉煙既泮其狀類此蓋戲為瀟湘寫變化神奇
之妙而不言其題為何名或曰是即所謂楚山清曉
圖者然卷內韓懋遵云元暉楚山清曉圖恨未見今
觀此紙亦楚山圖中之一則自別有楚山清曉圖矣
而洪文惠直書此卷曰米西清所作瀟湘圖則此固
自為瀟湘圖也又侍郎自謂京口翟伯壽昨豪奪余
自秘著色袖卷盟於天而後不復力取歸者別卷也
又自謂昨與吳傳朋蜀冷金箋作一幅比與達功遇

知亦為伯壽奪去者又別卷也後題自謂用陶隱君
韻作白雲詩其一與翟伯壽橫披書其上者又別卷
也前題不知年後題紹興辛酉面過嘉禾再觀則紹興
十一年赴召為兵部侍郎時至十五年以敷文閣待
制提舉神祐觀奉朝請蓋高宗好未禮部書而侍郎
得其家法故眷遇之厚如此伯壽名者年叅政汝文
之子而邢恕外孫也此其人姓字在前後題屢見蓋
知畫者哉傳朋名說其外大父王逢原、妻吳氏王
荆公妻之女弟也逢原早死吳不嫁有遺腹女嫁吳
思禮而生說即傳朋也以書名當世而元暉乃以古

書法作畫傳朋固知之矣然此卷不言為何人作乃
曰比與達功相遇而諸談語多言達功至朱夫子獨
云朱公所為左侯戲作橫卷則其人蓋姓左氏而字
達功也卷內謝伯思云達功下第後元暉作括隱圖
洪文惠公云憶年十六時識達功後七年得詞場名
則達功固名進士矣凡諸談語其人大抵皆可致見
關注字子東會稽人一日錢塘人嘗為大學博士此顯
紹興五年則其登進士第時也

謝伯字伯思一字曰景思上蔡人丞相克家之子以文
名嘗為太常少卿

錢端禮字處和嘗為婺州守此凡三題故其一云書
于東陽郡齋其一特書紹興己巳則十九年也

洪适字景伯鄱陽人忠宣公皓之長子乾道元年為
右僕射謚文惠兩題皆在紹興十七年三月其一作
十五年蓋七字已損或妄填寫作五字耳是時通判
台州至十一月以言者罷去

曾惇字欲父南豐人右僕射布之孫也兩題皆紹興
丁卯則十七年惇知台州與洪文惠不相能而文惠
罷去時也惇嘗上詩秦檜稱為聖相故有台州之命
朱敦儒字希真洛陽人以詩名此紹興乙丑則十五

年也嘗仕為館職矣既告老去至二十五年秦檜孫
壘欲學詩因薦以為鴻臚少卿

曹筠姑熟人紹興廿五年殿中侍御史湯鵬舉言筠
因檜薦為臺臣凡有所陳盡出於檜詔奪職罷祠此
額紹興庚午則二十年也

洪邁字景盧文惠弟也以博學宏辭賜第仕至翰林
學士謚文敏兩題皆淳熙六年己亥是時閒居鄱城
其一自署其姓名上曰野處者孝宗御書以賜者也

尤袤字延之無錫人嘗侍光宗春坊官至禮部尚書
謚文簡此凡兩題皆淳熙辛丑二月時通判池州故

其一觀于秋浦辛丑者八年也

素說友字起巖建安人嘉泰三年由同知樞密為參知政事凡兩題其一書尤文簡辛丑題後云書于池陽郡齋其一云淳熙辛丑書於池陽清靜寮則自平江守赴台後為守時也

錢聞詩字子言此不書姓字但云錢後人者固錢氏也成都人嘗知南康軍與朱夫子交承此兩題皆在淳熙辛丑是歲三月朱夫子自南康東歸而此題在八月則子言已上任矣卷內錢端禮亦或書錢後人者子言弟也

時佐者字季雄魯人嘗為蘄州守此淳熙丁未書于
蘄春郡齋則十四年也

又有韓許者字懋運會稽人林仰者三山人其字未
聞溫萃者字叔皮不知何郡人云

惟朱夫子手澤傑然特出為百世所尊仰前題但云
淳熙己亥中夏廿八日新安朱熹觀于江東道院後題
則自述其建安結茅處雲山之勝因記其舊題云閒
雲無四時散漫此山谷幸之霖雨姿何妨媚幽獨且
言今見此卷隱舊題詩處似己在第三四峯其末
所書年月姓名及所在書處皆與前題同但此為廿

九日而姓名下有仲晦父三字以雲谷記攷前其地
蓋即雲谷而結茅處即晦菴也已亥為淳熙六年自
去歲差知南康軍辭不允是歲三月到任此顓皆在
五月乃到任後其曰書於江東道院姑熟有邵齋
江東道院而此自在南康也

蓋嘗應觀奉內年月紹興五年者趙忠簡張忠獻並
相方欲恢復中原而岳武穆建初時也十一年者秦檜
主和議搆害武穆時也自是十數年間皆秦檜用事
而國勢止於東南矣淳熙以來則在湯思退和議既
成之後於是東南勢定而不復有志于中原矣又歷

觀卷內人姓名曾惇曹筠皆謫事秦檜者固不足道而朱希真亦不免為檜所起洪氏兄弟雖皆一時重望而亦嘗為湯思退門客不免沮張忠獻配享高廟之議若素說友之衆大政乃在韓侂冑禁偽學之日則其 缺文

齊郡張紳觀于陳氏春草堂

小米瀟湘圖卷再題自珍僕初稍知慕為杭之張氏所蓄高價而錮吝人罕獲見後遊杭兩度仲孚亦辱往來但啓齒借閱便唯而終弗果見今七十五人矣意餘生與此圖斷為久緣亦嘆仲

乎忍爲拂人意事茲鳴岐忽爾携至猶景星鳳
皇爲之薰沐者再得一快觀悠然三湘九疑瀛
滂尺楮如

朱夫子之類象內見畫錢子言之詩畫表如象斯圖
之妙盡括于二作矣又有王常宗先生一論疏
諸名勝出處之迹無餘辭誠爲翰墨之寶設使
著色袖卷楚山清曉圖冷金蜀牋等筆尚在恐
亦無此爛熳之題信乎仲孚知重亦可謂之不俗
矣後學沈周

○文湖州畫盤谷圖

文湖州以寫竹名天下而山水人物世固未之覩甲寅之秋夏叔宜兄弟出其所作盤谷圖相示曰此蓋湖州得意時筆也予爲之把玩不釋手蓋湖州曾次之高足以冠絕天下翰墨之妙足以追配古人公之四百餘年覽此一圖尚足使人油然感動如李愿初入盤谷韓昌黎與酒作歌時也此圖乃袁文清公家舊物鑒定真蹟無疑九靈山人書于翼亭

東坡先生嘗言唐無文章惟韓昌黎送李愿歸盤谷序一篇而已又稱其友文與可之畫與詩楚辭草書爲四絕且謂其云世無知我者惟蘇子瞻一見識吾

妙處今觀夏叔宜兄弟所藏與可畫盤谷圖山水人物林木風致灑落筆意高古真足以追配昌黎文章之妙使當坡翁見之必加嘆賞無疑也然此圖既經清容公鑒定而復為夏氏竒玩則後世之坡翁亦豈無其人哉慈溪桂同德跋

○蘇東坡題文湖州竹卷

若人今已無此竹寧復有那將春蚓筆畫作風中柳君看斷崖上瘦節蛟蛇走何時此霜竿復入江湖手

蘇長公題

延祐己未秋九月十有八日薊丘李衍觀於毗

陵趙東臯之書隱謹題

翰墨真儒者事書生如山未知判取詩書萬卷來看
風霜一枝

此老墨君三昧雲山發興清奇我在蓬萊書府曾看
晚靄橫披

余曩客京師獲觀文湖州晚靄橫披圖山谷題
識其淡真絕品也文湖州平昔丹青之妙不止

墨竹故因及之

鄧文原

石室先生墨竹之法與雪堂先生之書同有鍾王妙
趣此卷為天錫郭君所藏文畫蘇書紙蠹而墨色如

新題識俱有可徵得一展玩何其幸哉會稽王良江
夏費雄天台柯九思京兆杜本同觀本書

臨行託與崔公度到了神交蘇子瞻却是主林神不
管點隨涼月墮虛簷 高郵龔璘為 郭天錫題

當今好事家多藏文竹觀者每以東坡題識定真偽
此卷字畫兩優為真無疑汾石巖

至治元年冬十二月七日與仁卿來訪天錫得觀
石室先生墨竹真蹟薊丘李士行書

偉年主篤好文筆所至必求披玩所見不啻數百卷
真者十餘耳其真偽可望而知之文蘇同時德業相

望墨竹之法新授彭城故湖州之作多雪堂所題若
必東坡題識而定真偽則膠柱鼓瑟之論也此卷文
畫蘇題遂成全美予舊嘗見之每往來胷中未忘今
復於益清亭中披閱令人不忍釋手故爲之識同觀
者倪元鎮至正十三年七月十九日丹丘柯九思書
東坡之文如長江大河與可之竹若飛龍舞鳳觀此
卷可謂一舉兩得矣 三賓柱謹跋

至正五年六月廿日趙雍觀于益清亭中

清貧太守石室翁渭川千畝藏胷中理閒紙筆架磚
甌兔走鵲落無留蹤雨梢晴葉各殊態揮灑位置分

纖穠中峯隱居撥鐙法氣韻生動將無同墨君一派
來自東轡林當萃彭城公平生知己家親厚走書調
笑言春容陳州官舍示長舌脩然化去當元豐烏乎
二老不復作空瞻遺墨翔鳶龍 汝易表華

○東坡墨竹

蘇仙九節青龍杖拄到百花洲上來昨夜葛陂龍已
過尚留清影雪濤堆 楊廉夫

御題馬麟花四幀

天然一種玉香梅獨殿群芳爛熳開素臉豐肥清更
韵筭來邵合作花魁 梅花

媚條無力倚風長，架作圓陰覆坐涼。
露蕊一春清氣袂，有人知是令君香。

白木香

樓臺新燕舞晴空，百卉千花處處同。
不似上林風日

美殘紅，穠綠晚煙籠。

碧桃

去年枝上見紅芳，約畧紅葩傳淺粧。
今年庭中足顏色，可能無意謝東皇。

海棠 賜貴妃

○界畫蕭史圖

掛軸

周文矩畫或云摹陸探微

誰人呈此丹青手，寫出雕簷倚斗牛。
當時有恨訴玉簫，一聲呼下乘鵩友。
春心脉脉人不知，上天下地那參差。
世間恩愛只如此，不放步輕相離。
彩雲不散

逐蕭史却咲雙星欠終始千年萬古鳳臺高移入丹
青畫圖裏

巴西鄧文原題

倚天百尺高臺雕簷畫棟撐雲表夜靜無塵秋魂萬
里月明如掃誰凭闌干玉簫聲起乘鸞人到信情緣
有自何須更說姮娥空老我將醉眼摩挲是誰人丹
青圖巧為惜秦姬堪憐蕭史寫成煩惱萬古風流傳
芳至此交人傾倒問雙星有會一年一度那知清曉

吳興趙孟頫題
水龍吟詞以識之

余常見常棣佛因地圖山石林木皆草！而成迥有
出塵之格而意態畢備及見高仲器郎中家張符水

牛圖枯槁岸石亦率意為之韻亦殊勝石室先生東坡居士所作樹石改得此也近世惟高尚書能領畧之耳余雖不敏願仿象其高勝不敢盤旋於能妙之間也因新齋高士持仲傑周君紙素來需僕寫樹石遠岫故云至正己亥六月十四日璣

海野老人家藏墨牛圖因請示僕形勢百狀奔鳴起卧逼真自非三昧手之所作而畫工毛穎不可得而及也

雲月莊叟書

我本山陽田舍叟家有淮田數千畝江南倦客老不歸此田都為勢家有猶記少年學牧時春時日出歸

日西我生衣食仰此輩愛之過於百里奚抵今辛苦
耕硯席無處賣文長絕食卷中邂逅黑牡丹相逢喜
是曾相識負郭何須二頃田一雙栗角能幾錢數口
之家便可飽要如此圖知何年平生富貴非吾願城
府近來尤可厭何時倒乘牛背眠東風勝如仰看宣
明面

北村八十二歲病叟湯炳龍

東阡西陌煙雨青鳥捷百尾卧且行引腔呵草仰鼻
鳴嗟尔多牛便多事一策一笠足歸耕 晉張翥
桃林日夕霽煙浮百箇捷鳥得自由鞭索已無人已
去不知誰放復誰收 無所住善慶漫題

百牛圖不見典故豈黑牡丹之遺習或江貫道祖百
爵百鹿爲之耶

後有紹興二字必經

裕陵一覽中興創殘之餘生意未復 九重邃居不
以聲色自娛乃以原隰耕稼物情態度細入睿思不
忘田野真中興英主也延祐改元七月初三南山遺
老元熙題

幾年散放桃林後餘四百蹄猶可騎攬鏡挂書多事
在能騎唯有一疑之 白珽

遠賈連車曉色昏傳聲 度溪渾一麾八百閒號角

可是江南煙雨村

伯生題

山中人以百牛圖相示予謂宣王考牧于阿於池九
十其犗已訖其牛之多况濕之耳滿二百耶田舍
翁每以多牛為富安得一黃犢歸耕南山予所愛者
一牛耳掩卷一粲 山邨老農書

濕，群行四百蹄耕犁初罷樂相隨春風綠遍川原
草回首牧人知是誰 鄧文原

○題女史箴臨本

古人作文如寫家書作畫如寫字遣意叙事而已覺
非無意於畫與古人合何必更求江湖畫筆也元貞

改元閏月廿五日鮮于樞盛元仁同觀

○五君詠圖

阮籍

阮公雖淪跡識密鑒亦洞沉醉似埋照寓辭類託諷
長嘯若懷人越禮自驚衆物故不可論窮途能無慟
嵇康

中散不偶世本自餐霞人形解驗默僊吐論知凝神
立俗迂流議尋山洽隱淪鳶翮有時鍛龍性誰能馴
劉伶

劉公善閉關懷清滅聞見鼓鐘不足懽榮色豈能眩

韜精日沉飲誰知非荒宴
頌酒雖短章深衷自此見
阮咸

仲容青雲器實稟生民秀
達意何用深識微在金奏
郭奕已心醉山公非虛覲
屢薦不入官一麾乃出守
向秀

向秀甘淡薄深心託豪素
探道好淵玄觀書鄙章句
交呂既鴻軒攀嵇亦鳳舉
流連河東遊惻愴山陽賦
魏嘉平中阮籍嗣宗嵇康
叔夜山濤巨源劉伶
伯倫阮咸仲容向秀子期
王戎濬冲並居河內
山陽縣共爲竹林之遊世
號竹林七賢顏延年

作五君詠乃點山濤王戎以其貴顯有負初志也余因作五君詠圖且書延年詩於卷後清曜老人錢選舜舉

吳郡錢翼之名良佑或告之曰佑字从人字書所無不可也或又曰易之與詩佑字止作左右於書則或从人或去人或者可也余謂之曰皆是也古書用篆文字不能備故六書有假借漢用隸字則稍備矣然尚有通用字且仲尼之仲在漆書作中後雖从人不過以中為義猶佑佑之左右也況書以漢出時人以隸字易科斗則從人之佑出於隸也漢縣陽令楊

君碑有大司農劉佑碑用隸字則漢有祐字明矣由是則士之生乎漢後者名此佑字不爲無據當存名如故唐人有杜佑作通典云大德十年二月二十四日魯郡吾衍書

宋高宗御製唐十臣像贊僧梵隆畫

侍中魏國公魏徵

堂、魏公崇節大志貞幹直聳摩天自致遭風雲時得霸王氣一言委質有死無二撫我則后各盡其忠沉浮變通吾道不窮龍戰既息皇建其極裨補宸職其純則直諤、疑、危言止色漢興示崇德洽道豐

保合太和昭明有融尹躬佐商有恥于湯公其以心
匡飾巨唐

司空郊國公張公瑾

有倬郊公伉、而仁恍、而純實太宗臣太宗守藩
內難未夷圖之則安捨之則危用定天意身為元龜
不知不識順義之則以定社稷郊公之力公之云亡
帝念其勤若痛在身天懷發中哭不避辰君臣之間
亶古未聞

禮部尚書永寧公王珪

隋氏不君忠良莫用桐生朝陽有集惟鳳捨彼頽厦

鬱為新棟輅車懸袞開國有宋武德之莫群孽內蠹
危、永公聳節高步不吐不如不來不來屹、中立
為天一柱從容而言社稷遂安持戒秉純以輔三軍
激濁揚清知人知身雪山倚空冰壑照人

右僕射衛國公李靖

有隋之末羣盜熾熈李公矯、從此奮跡躍於中原
王者則獲壯士不死唐威再赫帝曰汝傑致天之伐
付汝金鉞俾往武還不庭則歟如飆發、如火烈、
遠若荆至嶮若江湖莫不令後莫不震恭車書混同
衛侯之功

兵部尚書英國公李勣

橫流莫極大亂無象英公傑出應運為將與楚、霸
與漢、王天時人事隨其所嚮長蛇縱蔓東據河洛
婪、封豕來濟同惡哮吼連聲如雷如電時惟英公
諒我太宗斬豕以鉞取蛇於穴天下既和解鞍投戈
袞服委蛇華髮皓、終始三朝無玷可磨

司徒趙國公長孫無忌

趙國之先散祥霸土乃祖乃父受天之祐有女而聖
為天下母有子而賢為唐室輔聖賢同氣千載一覩
丕顯趙公允文允武克忠克仁實有大勲翼、乾、

恪居于藩群孽亂嗣爭窺神器公業將隆公揭仗義
一匡天下民到于今偕受其賜

司空梁國公房玄齡

婉、梁公實懿實聰羽儀翼忠如鳶如鴻大風動地
儒服從容靜運胸中施張折衝我雖忘勞時靡有事
經羅遺賢推轂群英王不韜耀蘭無沉馨飛鴻出冥
振鷺在庭濟、多士太宗已寧太宗寧矣公無事矣闕
衮有補惟仲山甫經營四方方叔召虎大邦鈞輔至
則委汝閑居輔弼撫默自處

中書令蔡國公杜如晦

穆、蔡公純姿粹靈蘊元和氣爲大國楨乘時恢張
唐室天開牧人携手直上泰階更爲陰陽迭作日月
佐明四海贊育萬物二人同心王度是欽如玉如金
德音懽懽、万有千古永稱房杜如周申甫

右僕射申國公高士廉

維嶽降臣爲唐生申忠臣自天孝友如春德爲邦基
行厚人倫肅、雍、真王者臣慶國歸妹光誕天配
婚媾之中雲龍潛會建功南海廓我無外遏彼庸蜀
荐鍾澆季文翁之化若掃于地父子兄弟望風相媿

兵部侍郎侯君集

洛汭之侯龍戰未決公之應變臨陣奮拔銳氣盡來
我盈彼竭進退反掌存亡奄忽扁來風柱鼉轉山沒
遂作心膂爰從討罰推圍陷陣大迸水列功成國定
万古壯骨

○漢宮春晚圖

摹周文矩宮中圖婦人小兒其數八十一男子寫神而
粧具樂器盆盂扇椅席鸚鵡犬蝶不與焉文矩句容人
為江南翰林待詔作士女體近周昉而加纖麗嘗為
後主畫南莊圖歸一詩絕筆它日上之朝廷詔藉之
秘閣宮中圖云是真蹟藏太府卿朱載堉家或摹以見

魏婦人高髻自唐以來如此。卷豐肌長襦袞周昉
法也予在嶠南於端溪陳高祖之裔見其世藏諸帝
像左右宮人梳髻與此畧同而丫髻乃作兩太髻垂
肩頂間雖醜而有真態李氏自謂南唐故衣冠多用
唐制然風流寔承六朝之餘畫家者言辨古畫當先
問衣冠車服蓋謂是也紹興庚申五月丙乙澹西居
士題

印曰張激臣章

○李龍眠畫君臣故實

沛公西過高陽酈食其為里監門曰諸將過此者多
吾視沛公大度乃求見沛公。方踞林使兩女子洗

鄧生不拜長揖曰足下必欲誅無道秦不宜踞見長者於是沛公起攝衣謝之延上坐

建昭中元帝幸虎園闢獸後宮皆坐熊俠出園攀檻欲上殿左右貴人傅昭儀等皆驚走馮婕妤直身當熊而立左右格殺熊上問人情咸懼何故前當婕妤對曰猛獸得人而止妾恐熊至御座故以身當之帝嗟嘆以此倍敬重焉傅昭儀等皆慙

張釋之從文帝行至霸陵上居外臨厠時慎夫人從上指視慎夫人新豐道曰此走邯鄲道也使慎夫人鼓瑟上自倚瑟而歌意悽愴悲懷顧謂群臣曰嗟乎

以北山石為搏用紆絮斷陳漆其間豈可動哉左右
皆曰善釋之前曰使其中有可欲雖錮南山猶有隙
使其中無可欲雖亡石搏又何戚焉文帝稱善
霍光初輔昭帝政自己出天下想聞其風采殿中嘗
有怪一夜羣臣相驚光名尚符璽郎不宜授光光
欲奪之郎按劍曰臣頭可得璽不可得也光甚異之
明日詔增郎秩二等衆庶莫不多光

晉王猛字景略丰姿雋偉博學好兵書氣度宏遠是
以浮華之士咸輕而咲之猛悠然自得不以屑懷遂
隱于華陰山懷佐世之志歛翼待時候風雲而後動

桓溫入關猛被褐而詣之一面談當世之事捫蝨而
言旁如無人溫察而異之賜猛車馬拜高官督護請
與俱南猛還山

唐明皇嘗引鑑默然不樂左右曰自韓休入朝陛下
無一日歡何自戚不遂去之帝曰吾雖瘠天下肥
矣

晉永嘉三年山簡鎮襄陽于時四方寇亂簡優游卒
歲惟酒是耽諸習氏豪族荆土有佳園池簡每出嬉
游多之池上置酒輒醉名之曰高陽池時有童兒歌
曰山公出何許徃至高陽池夕日倒載歸酩酊無所

知時、能騎馬倒着白接羅舉鞭問葛疆何如并州
兒

唐明皇寵楊貴妃天寶九年忤旨送歸外第溫吉與中
貴人善溫入奏曰婦人智識不遠有忤聖情然貴妃
久承恩顧何惜宮中一席之地立即令中使張韜光
賜御饌妃附韜光泣奏曰妾忤聖顏罪當萬死衣服
之外皆聖恩所賜惟髮膚父母所有乃引刀剪髮一
縷附獻明皇見之驚惋即使力士召還

龍眠李伯時畫

右李伯時所畫前代故實毫髮纖備真若想見

古人風度意節高遠豈徒世玩哉識者當珍聚之青城山樵者虞集

此畫或以氣節或以任達或以智略或以情致各極其妙然興亡之跡默存於中觀者以意論之毋徒以畫品優劣也天曆二年三月望後俞焯題

繪畫之事自虞周時已有之若書五采彰施禮繪事後素之類是已後之能畫而入神品不可以一二數近代惟李伯時之筆稱絕妙自昔至今殆三百禩兵燹屢經而猶存遺墨誠難得也

雖然古人以圖史日陳於左右蓋將以明得失
示勸懲也今觀龍眠前所畫皆事載史冊於人
倫日用具有微意寓乎其間善者可法惡者宜
懲尚默識之不徒以爲玩好焉可也時洪武己
卯東安袁時億書

龍眠居士畫有神筆意一過皆逼真竹帛所紀
千萬緒故意寫此何云、沛中隆準狀儒雅食
其不羞人慢罵奮身長揖摩龍鱗官爲君王封
廣野固知狂客非真儒亦死文明大運初遂令
叔通建綿葛干戈未暇聞詩書霸陵未識君臣

契一語從容得廷尉誰言禮樂猶未違却會夫
人瑟中意建昭人物無英雄翻使纖腰當巨熊
始知大柄落外戚帝業移入恐懼中搏陸忠貞
存遠大夜半何須問妖恠一時臣節頗驚疑喜
有郎官符璽在開元相業數韓休鏡底問人肥
瘦至一自梨園盛歌舞和氣冰消華萼樓盡剪
太真雲鬢綠難酬西去馬嵬羞運回典午關河
易日習家池上醉踈狂笑殺路邊兒可憐大
鼎隨人去景略褐破虱可捫大義不向劉裕論
致身慷慨許諸葛却將長策開西秦縹緲舒

終只尺千載興衰著遺跡拭目湘潭看畫時層
臺寒柏凌雲碧

鍾陵侯漢

余嘗得觀楊文貞公家東陽吳希純所臨趙松
雪九歌圖云出龍眠此卷則吾友欽謨大叅所
藏龍眠真跡漢晉唐朝君臣典故可為法戒者
八事末有龍眠自署妙絕矣而觀龍眠固有志
於正君謀國者豈閭立本輩可比哉古所謂工
執藝事以諫龍眠之謂歟覽者尚敬之哉癸巳
冬子月旦葉盛

龍眠此卷實與史相發明可謂畫家之良史非

但工於藝而已蓋古所謂圖畫者如此此漢晉
唐事凡八未暇悉論惟當熊見妬反兆漢業之
衰剪髮啓寵適成唐室之亂使人不能無感於
女禍耳後之有天下者宜有鑒於斯成化十五
年二月廿七日史官吳寬題

○趙令伯駒畫 東坡先生樂水圖實惟 越公
舊藏曾孫袁楠賦之以永其傳

東坡先生脫遠游之履衣紫絨之衣與黃冠師危坐
息機臨清冷之淵憇臣擬之陰意消言忘其得在心
飛泉琤琤寒源杳深悲塵寰之隘險抱奇璞而莫陳

留顯屬此公萬里來游天所使離坐黃衣戴小
冠水樂同為杜牧看圖中不是程正輔方外當
為鄧守安
延陵吳寬

○僧梵隆畫文姬歸漢圖

蔡琰字文姬邕之女也博學有才辨妙於音律初適
河東衛仲道夫亡無子歸寧于家興平中胡虜犯中
原為胡人所掠入南匈奴左賢王部伍中為王后王
甚重之曹操與邕有舊痛邕無嗣遣使者以金璧贖
歸而重嫁陳留董祀胡人思慕文姬乃捲蘆葉為吹
箏奏哀怨之音後董生以琴寫胡箏聲為十八拍作

之胡茹弄是也其辭則

述情所作後十八拍不書

希哲携僧隆茂宗妙寫文姬歸漢出示以展覽
思慕為一代之美使愛親抱義之士感而不忘
因屬予以書十八拍將傳不泯非君則不能敢
有是求自惟繆跡義不獲辭故為勉強而公好
事習惟忠孝多仁豈不偉歟紹興丁丑仲春上
澣天水志忠安國記 李雯獲觀絳綺堂中

馬上嬌娥點塞塵分明似咲漢如頻胡天漢月情多
少翻入絲桐一愴神 紹興丁丑平丘曹覲留海野堂
曹操既已誅蔡中郎復歸文姬於沙漠觀其弑伏后

移漢祚豈有義者乎即其微意將以謂秦無人適所以發千載之一笑也 丁丑仲冬純父出李希哲所

藏文姬歸漢圖因題其後中山劉炎

夷狄為中國患久矣至能抗旌朔庭威奪虜氣取既陷之女於所愛中惟老瞞一人而已希哲乃圖其事於千載之後深欲振高風而願士夫記之也戊寅初夏五日譙人曹勛

文姬誰信得生還千載風流見筆端回首陳蹤歸墮甌人間猶作畫圖看

偶陪 諸貴侍於谿 獲觀此圖有感于懷

且今着語其後勉以書之

荆谿 秉彝

梵隆當阜陵時已蒙賞錄此卷遂得玉牒安國書亦彷彿宸翰畫固不減伯時洛神賦誠為二絕

吳郡張天雨觀

琰長於自悼而短於徇節操能致之歸國而奸卒不可擒其所表均也好事者狀其迹筆其詞豈有意於懲勸耶

永樂庚寅秋八月天台釋非幻守欽書

天寒貂帽霞蛾眉路上人能識蔡姬十八拍中愁欲絕如何猶自戀胡兒

延陵吳寬

蘆葉傳聲拍、鳴畫圖傳拍態如生琰從三娃邑從
卓自是人間父子情
長洲沈周

○湯叔雅霜入千林圖

昔王克道送水仙花五十枝與山谷先生欣然作詠
凌波仙子生塵襪之句至今膾炙人口余欲水墨五
十枝俱梅號曰霜入千林凡落筆趣向踈澹稠疊纖
悉去處癖於七載而就所謂能事不受相促迫是也
它日此軸流傳名世之家爲余愛惜之嘉泰改元歲
在辛酉季夏上休日江右湯正仲叔雅書于丹丘寓
舍

○趙子固蘭自賦

枯柳梢頭寒尚峭古苔痕上雪初融紫葩纔拆深崖
下十里林巒香霧中

水仙

步襪無塵淡淨粧翩、翠袖惱詩腸仙成祗咽三清
露金玉肌膚骨節香 戊午季春

此凌波像久不作矣持約準齊葉君雅尚又姻
聯為作之宜永存之 子固又志

○題李嵩畫錢眼中坐骷髏

塵世冥迷鮮克有知丹青其狀可以寤疑夫物之感

人無窮而人之嗜物不衰。願青草之委骨，知姓字之為誰。錢眼中坐堪咲，堪悲笑則咲。萬般將不忒悲，則悲其惟有業相隨。今觀汝之道，醜覺今是而昨非。

○李嵩鬻髑髏紈扇

沒半點皮和肉，有一擔苦和愁。傀儡兒還將絲線抽，弄一箇小樣子把冤家逗。識破箇羞郎不羞，呆兀自五里已單堆。

至正甲午春三月十日大痴道人作弟子休
王玄真書右寄醉中天

宋高宗瑞應圖

曹勣贊李嵩畫

上未出閣 顯仁撫受每賜所食之物一夕夢神人
告 顯仁曰尔後勿以殘物食 上戒之甚至
顯仁驚寤即日巖語諸 御凡進 上之食必取於
庖厨不得以殘物 臣謹贊曰

開光奕： 神化拱極 力誨殘餘 勿繼玉食

母后益悟 天真降跡 固知至尊 萬靈受職

上駐鄆州晨起出郊騎軍後行馬前忽白兔躍起

上弯弓一發中的將士莫不駭服然兔色之異箭中

之的二事皆契 上瑞臣謹贊曰

維是狡兔 色應金方 因時特出 意在騰驤

聖人應運 撫定陸梁 一矢殲之 遂滅天狼
上受命爲大元帥方治兵選將應援京城忽夢
欽宗如尋常在禁中脫袍以衣 上恐懼辭避之際
遂寤臣謹贊曰

靖康之初 上爲受弟 連將使指 虜畏美膚
解袍見夢 授受莫避 天命有德 中興萬世

靖康丙午京城陷虜盡取二聖及天眷在南郊虜謂
守者云 上領兵河北旦夕即至俾守 聞其言始
寬 二聖之心 顯仁嘗以象碁黃羅果將子書

康王二字晨起焚香祝曰若擲子在盥惟 康王子

入九宮者 上必得天位擲下果如祝他子皆不入
衆皆稱賀亟奏 徽宗大悅且異之臣謹贊曰

宗廟大慶 曷論和佑陵 三十二子 乾吉允升

允應密祝 如叶大橫 再告王室 萬福是膺

靖康初金人犯順大河失守虜抵京城無策 上慨

然謂獨有增幣講和 欽宗乃遣 上求成張邦昌

副之見二太子阿骨打謂其後曰 上氣貌非常恐

過河爲宋 擁留不若令易之乃以 意遣 上入

城肅王代行臣謹贊曰

聖有作 異表具藏 庭日角 鳳姿龍章

乃他料 爲謀之長 固弗識 宋德益昌

磁人以王雲欲挾 上北告民乃殺雲廟中

上猶駐磁而虜騎大集至郡東問路徇老婦

上在磁否婦紿曰前日

上已過山東虜驚噪追之臣謹贊曰

上駐滏源 號名忠義 虜知霸府 追以精騎

問媼其實 媼乃左指 軍候不驚 可識天意

上出使金國王雲副之至磁州忽郡民數萬同聲請

上謁崔廟

上翌旦至廟升自東廊見庭外一老人青巾秀異厲

聲曰王雲不得邀王北去時雲止從

上側即有數人持雲衣尋爲民所殺 上聞捕殺雲

者甚峻顯應忽遣曉子馬及以所乘小朱漆輿令

上乘歸 上曰吾人臣豈敢乘是日非民殺雲邀

上北矣臣謹贊曰

雲不知機 力邀北驅 應王殺之 天心所如

神民共濟 乘以金輿 天命以兆 是爲寶符

顯仁皇后嘗宣諭曰靖康初遣親王事虜所擇或未

受命 上慨然請行 欽宗甚悅啓行日

顯仁懿節送至廳小女奴指曰有四人甚長大或執

槍戟或持刀劍從 王馬後衆不見也

顯仁曰吾事四聖甚謹必獲保佑臣謹贊曰

帝王有德 畢彰殊應 天心既卜 護以上聖

凡目莫覩 母后默敬 至磁無行 不墮虜境

上自磁州北回時窮冬沍寒經李固渡過大河

上令扈從馬先過獨殿其後惟高公海一騎從行

上纔及岸冰作大聲折裂回視公海馬已陷水中公

海惟持馬籠頭免臣謹贊曰

胡塵濛天 朔方已隔 冰河千里 與雪同色

御驢登岸 冰遽解折 呼沱曷聖 惟德光宅

上自奉命討虜征行之暇喜親騎射又以二囊各貯斛米二臂舉之行數百步人皆駭服以至夷虜聞之莫不畏仰臣謹贊曰

上或燕閒以力自舉 臂扶兩斛 從容千步
速挽六鈞 亦不憊素 聲乃四馳 虜畏神武
顯仁皇后在中國

徽宗問康邸祥異奏曰

初誕育有金光粲然耀室中并 從行似非他

兒比異日果得 位臣謹贊曰

至人挺生 成臻上瑞 玉質金相 氣應必貴

元暉、異色輝、

天位

缺文

未見如靖康改元離析其字符上瑞夷夏具悉臣
聞自燕山受帛紙書詔

上即天位

何密得符應皆為瑞驗所

以擁圖登大居人上無復艱者以瑞昭、可攷而知

臣仰蒙

皇后洎

卜問燕

并夷夏所傳皆

應駭心動化人心遂日靖四方再造王室彼門
位乃欲鴟張一時遺臭百代駭咲今略輯瑞應凡
十有二謹稽首頓首繫之以贊少伸臣子之忠

昭慶軍節度使提舉皇城臣曹勛編

○東坡題龍眠十四馬圖

二馬並驅攢八蹄二馬宛頸駿尾齊一馬任前雙舉
後一馬却避長鳴嘶老髯奚官騎且顧前身作馬通
馬語後有八匹飲且行微流赴吻若有聲前者既濟
出林鶴後者欲涉鶴俛啄窠後一匹馬中龍不嘶不
動尾搖風韓生畫馬真是馬蘇子作詩如見畫世無
伯樂亦無韓此詩此畫誰當看 伯時臨韓生馬神
俊過之子瞻爲書舊詩於後元祐五年正月七日

○燕龍圖楚江秋晚

燕龍圖在王府以德業自勵後世乃以能畫稱觀此
足見其藝之不凡但恨為此所掩噫以顏魯公之政
事而世亦以畫稱可見學之不可不慎也乙丑二月
門山老樵齊郡張紳

燕尚書生有巧思能奮志功業圖畫特其一事耳在
燕府侍書時王求畫一筆不肖與蓋恐王之志尚偏
也故其畫罕見於世此卷筆力道媚其在早年所製
無疑也
吳郡張適識

蕭條落木楚江秋岸樣風檣萬斛舟歷々舊遊渾不
忘分明黃鶴銜磯頭
寄翁

猿啼秋樹遶月落曉霜清行客休爭渡風高潮未平

林屋外史

江水涵、日夜流帆檣來去幾曾休畫圖不盡古今
恨感慨令人憶壯遊

俞貞木

初漸澹微茫暖啼楚江曉恬風展波鏡千里瀉瀾渺
起語船上人驚飛岸邊鳥行裝亂填委徒御爭紛擾
川后弭安流天吳湧深窈陰霾斂遙翳目斷秋旻杳
響柁節歌長翔颿逗風小人生等萍寄奔涉何時了
旅思協悲端羈情重憂悄忠沉不可見永吊鳴寒篠
回首噉湘纍蒼山亂雲繞

卞同

臺城路

黃陵廟下瀟湘浦依稀少年羈旅夢澤風生渚宮華
落收盡峽雲巫雨長天帶水正日出三竿客船猶艤
四望蒼々秋光都在白蘋渚流年暗驚易度向盡
中空見舊遊如許鼓瑟人遙紉蘭事往誰折芳馨寄
興消魂凝佇待收拾閒情寫成新句心與鴻飛空
江煙浪裡

去年秋友人謝彥起氏爲孟敷陳孝廉索賦楚
江秋曉詞久未能成今日偶過許瀾伯讀書山房
時夏雨初霽軒窓朗徹因援筆賦此留瀾伯歸

諸孟軻殊愧不工也洪武廿八年孟夏十又一日

吳人王璉

○燕文貴秋山蕭寺圖

潯陽江上山如繡扶策追遊憶往年柿葉霜黃秋滿
壑芙蓉波冷月臨川釣舟箇、來沙曲梵宇層、倚
樹顛白髮田園歸計晚斷腸西望夕暉邊

鍾陵俞復

鍾陵俞復

野棠花落過清明春事匆匆夢裏驚倚棹幽吟紗際
路半江煙雨暮潮生

己酉二月廿一日爲清明日風雨淒然舟泊東林

西澣步過伯璇徵君高齋焚香瀹茗出示燕文
貴秋山蕭寺圖展玩既久因寫是日所賦于上

倪瓚

漫浪遨遊五十年高崖絕巘出雲煙
眼明彷彿識圖中意江峽曾乘萬里船
天游生陸廣

忽見燕侯畫令人憶舊遊千巖太古
萬木聳高秋石路驅輕騎江風送遠舟
人間無此境舒卷不能休

曲江居士錢惟善

蕭寺久寥落燕侯為發揚山橫江樹晚
殿鎖碧雲涼杖策情仍在乘舟意不忘
獨懷前代事撫景暗悲傷

右蕭寺圖乃燕侯文貴所作按梁武帝造佛寺
今蕭子雲飛白大書蕭寺二字故名今覽此圖
不勝感慨漢賦是詩書識于後環中老人鮑恂
已百歲僕客沈隱君伯璠家觀燕文貴精妙入神畫
不敢綴辭沈君索詩書卷後勉賦四語後二載復觀
斯卷諸公沛然喟長篇沈君復索鄙詩故有是作
長風吹船過蘆花縹緲雲巒矗天際天柱峰迴玉筍
遙金掌芙蓉半空起汴宋後先多畫師回幹天機誰
比擬燕侯文貴世罕得點染清妍才擅美斯圖拂拭
雙眼明幽討直須論萬里削慘絳石虧雲根鐵壁蒼

崖徹礪沁紺殿珠樓佛寺中丹臺玉室仙境裏水邊
沙際市橋過野店人家茅屋底令我憶舊遊心跡追
冥摻華星耀丹壑綠杖凌玄洲安期羨門子招遙指
蓬立回視句吳山培塿一土坯載復觀斯圖慷慨興
歌謳

陸廣

野性樂山水屋屋違素心蕭然由疲復胡能遂幽尋
恒思愜所適昧聚恣登臨秋清景尤曠蒼翠列遙岑
霜餘委蔓草孤秀愛雲林畸人冥諧俗結宇丹崖陰
浮念不煩遣寂莫契冲襟况復通蕭寺禪誦有遺音
輦瓢足自老簪組知難任披圖憶所歷閱歲茲已深

景物匪殊昔但傷華髮侵何當脫塵躅歸休期自今

河南高其志題于秀水隱居

○米元暉書司馬端衡畫

山稠隘石泉

密：萬山重一派哀湍瀉此志入瑤琴當有知音者
潺湲石澗溜

峰迴石路轉足可娛瞻聽其中如有屋便是醉翁亭

萬頃長江水貼天中有峰巒聳蒼綠清宵影蘸
白蟾蜍浩、澄波見寒玉少陵詩名冠古今一
生苦吟、不足端衡寫作無聲詩畱與拙堂伴

幽獨

次仲

印曰司馬之後

司馬君實米元章德行文采皆本朝第一等人
恨余生晚不及前輩今觀二公墨妙追想終日
為之慨然二公非畫師何能精絕至是豈鳳雛
驥子其天姿超詣種自不同乎癡叟田如鼇
書紹興十八年九月廿六日

端叔集少陵詩句已自可喜又摘其可畫者為
圖得元暉端衡墨妙朝夕展玩其胸中丘壑定
自不凡夢山王岷中王書

紹興己巳秋九月十有九日金華王與道觀於

宜春郡齋

米元暉司馬端衡二畫如王謝子弟別有一種風
流景晉

少陵詩句超軼絕塵非後人可及二公墨妙灑
落不群非碌、者能辨亦可謂三絕也洛陽愚
叟富元弼獲觀于富 郡齋

右米元暉司馬端衡隨意命筆默以神會元暉
自成一家云宋景陽

○范寬畫馬

范寬本名中立其為人簡率故人以寬名之所畫山皆

寫秦隴峻拔之勢大圖闊幅山勢逼人真古今絕筆也子昂題

此既定為中立筆不在大松雪翁猶言其大圖闊幅者殆是雄覽中原即高求深更欲盡寬能事耳今夫山一卷石之多及其至也翁當以為何如蘇端

范寬墨法似營丘散落人間二百秋只尺畫圖千里思山青水碧不勝愁 王蒙

范翁作畫絕代無岩壑交錯青珊瑚玉堂仙人妙題品千載見題如見圖亂後圖書盡狼藉奇珍委地無人識蕭條錦襍世間稀拂拭墨痕三嘆息

嘉興葉廣居

魏公善書亦善畫秘閣圖書貫臨寫歸來見此實眼
明品題即重千金價法書名畫兩入神當時好事無
存者舊圖圻裂縣高堂半紙雲煙自瀟灑何年神品
久復合二妙俱傳千載下
西江張附鳳

丘壑胸中起龍蛇筆底生斯人皆沒世羨爾獨鍾情
未識真爲幻徒聞畫有聲誰能寫廬阜翠色到牕楹

陵陽牟魯字仲望

○李成寒鴉圖

余觀此畫林深雪積寒色逼人羣鳥翔集有飢凍哀

鳴之態亦可謂能矣

子昂

饑凍哀鳴不忍觀使余一見即心酸
明年豐稔春風煖遠舉高飛羽力寬
貫雲石顙

老樹枯苔雪乍晴
饑鳥飛集噤無聲
蒺藜沙上花開早
且讓春風與燕鶯
延祐元年七月山村人仇遠

殘雪群鳥下
草萊林棲不定
自鳴哀
畫工筆底天機熟
只欠遙空獨鶴來
恕齋班荅功

雪後寒林玉豔枝
飢鳴翔集不成飛
世間多少無知物
不似群鳥預識機
行齋陳邁

顧光寶能畫陸溉患瘡經年光寶以筆圖一獅子於戶傍一夕獅子目中臆前有血淋漓病乃愈重臣錄

群玉堂帖十卷

右嘉定元年四月二十四日省劄下祕書省收藏蓋韓平原家本也故卷尾有印曰閔古審定法書之印永興軍節度使印篇首則

三朝宸翰有璽文曰吳娃之章吳氏書印吳娃翰墨寶章妙墨宜爾子孫世寶之康壽珍玩皆

憲聖慈烈皇后之記也

張延康帖

高宗皇帝賜趙子崧書一幅後用御名圖書

見昭德先生讀書志

唐秘書省吏凡六十七人典書四人楷書十人令史四人書令史九人亭長六人掌故八人熟紙匠十人裝潢匠六人筆匠六人且世但知鄉村之吏謂之亭長殊不知唐諸司多有之尚書省至云以亭長啓關傳禁約則知三省亦有也然裝潢恐是今之表背然謂之潢且未詳

見嬾真子錄焉大年永卿亮之子廣陵人也

高宗朝手卷畫前上用乾坤圖印其下用希世藏畫

卷後下用紹興印墨跡無上面卦印止有希世藏紹興印 徽宗朝墨迹用雙龍圓印用泥金題粉青絹狹篆頭

沈草庭云以煮酒脚塗靈璧石其黑如漆洗之亦脫極妙

斲琴名手唐雷霄雷威雷珏郭亮皆蜀人沈鐔張鉞皆江南人蔡獻僧智仁衛中正慶曆中朱仁濟馬希仁馬希先崇慶中並宋人

鮮于伯幾云今世骨蝕犀乃蛇角也以至毒宜解毒故曰蝕毒犀

金花碗用大蒜汁調金描畫然後再入窑燒永不
復脫凡碾工描玉用石榴皮汁則見不脫

並見志雅堂雜抄 周密公謹

桓玄愛重圖書每以示賓客有不好事者止食寒具
以手捉畫太點污玄喋惜移時 張彥遠名畫記
所謂上有晉人寒具油者是也 寒具二字出

周禮邊人注曰清明未食先進寒具口實之邊齊民
要術曰寒具今之餠餅也劉禹錫佳話有寒具詩云
纖手搓來玉數尋碧油煎出嫩黃深夜 春睡無輕
重墜福佳人纏 金乃以捻題為寒具也 出緝畧

誥孝武六年初作誥

蘇子容云唐誥初用紙肅宗朝有絹者貞元後始用綾又云家有徐浩自寫除左丞誥見嘉祐雜志宋江鄰失

余收顏魯公書朱巨川誥亦絹上所書也

貢父為中書舍人一日朝會幙次與三衙相鄰時諸帥兩人出軍伍有水晶茶盃傳玩良久一帥曰不知何物所成瑩結如此貢父隔幙謂曰諸公豈不識此乃多年老兵也見東舉雜錄宋孫宗鑑字不魏號安隱道人廣州南尚米麴合生熟為之白薄而脆按梁孝威謝官賜交州米麴四百屈詳其言屈豈今之數乎且

前朝短書雜說即有呼食為頭梁元帝謝賜功德呼饌一頭又

謝賁功德食一頭又劉孝威謝賜至福果食一頭

以魚為蚪梁科律生魚若干斗

若為簿為夾溫貢若二百大簿又梁科律簿若干甲云

筆為雙為床為枚搜神記益州西神祠祈禱者將一雙筆南人呼筆四

管為一床梁簡文帝書云乍置筆床架今云寫書筆一枚一萬字

墨為螺為量為丸為枚陸榮與兄書送墨二螺梁律科御墨一量十

二九蔡貞漢官儀曰尚書今僕丞郎月賜除麝大墨一枚小墨一枚

紙為番為幅為枚湘東啓上荆武紙萬幅簡文帝集繹啓謹奉紅

箋二千番又云特送四色紙三萬枚荅湘東王也晉宋間有一種紙長

文餘就船抄之世為蠶紙

布為鼓梁粗布五丈度日取薄布二十疋為一鼓

錦為兩王佐云弊錦二兩為一兩一疋二丈為一端

衣為裁陸倕謝安成王楚趙衣二裁沈約有謝葛衫二裁也

袈衫為緣梁文帝云家惠袈衫一緣

奴為頭簡文帝書言安成王餉胡子一頭

膚為字蠟為麤射香如千字蠟如千麤齊建武四年事

棋榔為口胡桃為子為口陸倕謝安成王賜棋榔一千口又謝胡桃

一千子

見北戶錄

唐段路

唐萬年縣尉

東年

聞定陶河出孔子廟堂碑序

予遊夫樹山中訪舊故王君之常邀予舍宿聯榻適寢夜既半之常忽起躍喚予曰有一盛事不得不為子告而賀近定陶縣地河走決有唐虞永興文懿公書孔子廟堂碑出其守民社者請于

朝而渡樹之學官江西左子升氏遊東魯拓得五本來吳其一雖許以見遺其未果拜承左今客吳門與周仲輩交子尋訪之可見幸鑒定是何時所刻子聞其言而喜通宵不寐曰何得明旦當走覓左於周也昔者吾友淮南潘公穎酷嗜古學留榻予所夜中

寢寐俄卻枕大鳴而亟嗟咄曰得有命不得有命一
豪非我有而莫之取也予怪其寤語狂悖甚而詰之
其謂予曰數年來因事想觸便作癡病何者荆溪王
子明值兵變流離以平昔所寶其家藏孔廟虞刻寄
我潯南寓所者兩年顧念時難惶恐失墜持還子明
子明後走抗會張光弼仕省負外郎因刻此出示張
張竟以意取得之張適轉調不知此刻有無在何邊堪
記刻之墨漆黑紙雪白玉潤金輝足喻其妙筆鋒豪
鉅纖悉令人歎賞此唐太宗貞觀間制作刻始成僅
拓數十本賜近臣者當時不幸廟火而石煨燼故後

世不復見之堪幼嗜書而失此刻遇而不獲是以寤寐作癡耳予聞而嘆曰噫聖人之道猶天然昭布森列立極立命遺經遺訓著見人心豈後世碑文字畫之所足爲哉然道非文不載文非字弗傳是碑也文何文而字何字也蓋文之道而道著字之文而文理是文字之一語一言一點一畫至豪髮而孰不致於道哉後乎是碑而讀書字之妙者又孰不以父子君臣相揖抱爲名言哉故予學之慕之成癖有年旁求遠蒐獲見數百餘刻然字一攷之各自參差不齊自武后勅相王旦或又以爲臣王旦書額翻勅重刻者

便爲第一謔本況又爲千江月耶嘗記黃太史有云
孔廟虞書貞觀刻千兩黃金那購得元後至元末京
兆杜伯原甫在吳門示以歐書醴泉銘刻丹丘柯玉
文持錢五千緡求易杜弗與而竟將之武夷玉文歿
有遺憾况虞書孔廟碑在黃太史時已不可得見乎
故予聞之常言之而亦喜而不寐惟未審此河出而
左拓者又何刻也公穎歸耕廬江時予送之自松陵
興泛雨舟夜泊楓橋待旦相別公穎尚囑予曰張得
王氏所藏碑今流落或在江南有之幸爲物色以報
寤思寐夢今六七年公穎少長予皆老瘁矣甚矣好

上之心歎亦謝矣乃今之常之年富力強又嗜書學
天問藻思超邁卓逸不惟吾友公穎之心期年古向
爲絕無而之常之美妙嗜好又當爲今日之僅有者
乎明日子還玉遮峰下浮光王友月來問字子以友
月猶嗜書遂爲詳陳其事友月請序而筆之因書以
遺復之常云至正二十六年歲丙午七月五日虞堪
書

予藏虞碑是建中靖國時裝 淳熙己酉重裝
者雖殘闕甚多而風神特異後有跋語而無姓
名蓋亦奇寶也 文嘉

孫鳳字鳴岐長洲人雅善書畫頗喜讀書人有
以古書畫求裝潢者則錄其詩文跋語
積久成鉅帙名之曰孫氏法書名畫鈔上
海秦鳳樓侍御書畫傳史錄藏之間以示
余偶識其姓氏夢見吾吳君父之盛維工藝
之微者靡不傳古精鑒而又能彙次成書以
傳於遠其用心良勤矣

萬曆庚辰二月廿有八日題于極鳳齋居

孫氏書畫鈔跋

孫氏書畫鈔無卷數亦無撰人名字據萬曆間人舊跋謂出于孫鳳鳳字鳴岐長洲人以裝潢爲業頗喜讀書人有以古昔書畫求裝潢者則錄其詩文跋語積久成帙名之曰孫氏法書名畫鈔上海秦鳳樓錄而傳之按上海縣志秦嘉楫字少說號鳳樓嘉靖三十八年進士歷官南京工部主事致仕家居校輯羣書手自抄錄函芬樓得舊鈔本版心題蔬香亭清課五字不審其爲誰氏當卽從秦本逡寫收藏有吳麟清來諸記考錢塘吳曉帆煦有清來堂書目四卷未知卽方伯藏書否所鈔

以法書名畫分列如鐵網珊瑚例然爲朱性甫趙寒山所未見者甚多鑒藏貴乎多見書畫古書皆然書賈多見舊本宜可輯古書錄以記所見乃錢聽默輩均未有是裝潢匠乃有吾家鳴岐亦可傳矣丁巳十月無錫孫毓修跋